

 BIBLIOTHECA UNIV. IACELL. CRACOVENSIS	kat.komp.	59405	
	III	Mag. St. Dr.	P

*Sejowski Sebastiani: Quaestiones physicae de anima.*



C

A

D

I. V  
C

I  
Phi  
c  
Pro

CR  
I



✠  
In Nomine Domini, Amen.

Q U Æ S T I O  
P H Y S I C A,

D E  
A N I M A,

Sub Felicissimis Auspicijs, 59405 III  
*Magnifici, Perillustri, & Reverendissimi Domini,*

D. M. SEBASTIANI  
PISKORSKI,

I. V. Doct. & Profes. Ecclesiarum, Cathedralis Cra-  
coviensis & Collegiatae Wielunensis Canonici, SS.

Omniū Crac: Archidiaconi, Studij Almae Vni-  
versitatis Crac: Procancellarij, & Generalis

R E C T O R I S,



M. SEBASTIANO IELINSKI,

Philos: Doctore, ad Almam Metropolitanam Gnesnensem Ecclesiam Poen-  
itentiario, & Seminarii Praefecto, ibidemq; Moralis Theol: Professore,

Pro loco, in Collegio Minori, Almae Universitatis Cracoviensis,  
Publicè ad Disputandum.

In Augusto DD. Theologorum Lectorio,

P R O P O S I T A.

*Anno animati in melius à Verbo Incarnato mundi 1698.*

*Die 6. Mensis Septembris.*

CRACOVIAE, Typis Francisci Cezary, S. R. M. ac Illustriss. & Reverendiss: Dñi  
Episc. Cracov. Ducis Severia; necnon Scholarum Novoduorosc. Typogr.



# Q U Æ S T I O P H Y S I C A, D E A N I M A.

**V** Animæ Specie plures, & perfectione specificâ inæquales, corpora, intra eandem Speciem, inæqualis perfectionis, informantes, ipsæ etiam respectu sui, sint intra eandem speciem, in perfectione, tam intrinsecè, quàm extrinsecè inæquales; nec ne?

## C O N C L U S I O I.

**A** Nimæ ut sic, sunt plures Species.

### C O R O L L A R I A.

- I. *Anima ut sic, rectè definitur, quòd sit actus primus, corporis Physici Organici, potentiâ vitam habentis.*
- II. *Divisio quoq; Animæ ut sic, in vegetativam, sensitivam, & Rationalem recta est, & univoca suo modo, cum limitatione.*
- III. *Ex eo, quòd Divisio Animæ ut sic, sit univoca suo modo, & cum limitatione; non est propriè, & rigorosè, Divisio Generis in species; sed tanquam Generis in Species.*
- IV. *Predicta tamen Animæ ut sic Divisio, sumpta secundùm gradus vitæ, vegetativi, sensitivi, & Intellectivi, in ordine ad idem subiectum, ita ut una includat aliam; non est in Species condistinctas.*
- V. *Quando predicta Divisio Animæ, sumpta secundùm gradus vitæ, vegetativi, sensitivi, & Intellectivi, in ordine ad idem subiectum, non dicitur esse in species condistinctas; intelligendum est: quatenus Anima Rationalis, in eodem subiecto, formaliter eminenter, continet vegetativam & sensitivam; per quod subiecto, predicti gradus vitæ, ab anima Rationali tribuuntur.*

CON-



## CONCLUSIO II.

**S**pecies Animæ ut sic, sunt inæqualis perfectionis.

### COROLLARIA.

- I. Anima sensitiva, perfectior est, quàm vegetativa: & Rationalis, quàm illa utraq.
- II. Etiam Anima sensitiva, in animalibus perfectis, perfectior est; quàm in imperfectis.
- III. Anima perfectior, sive sit in animali perfecto, sive in imperfecto; non solum dicitur continere; sed defacto continet imperfectiorem, solum genericè sumptam.
- IV. Anima perfectior, tam in animali perfecto, quàm in imperfecto, nullo modo, potest continere, Animam imperfectiorem, specificè.
- V. Esto Species Animæ ut sic, sint inæqualis perfectionis; ista tamen inæqualitas, non vitiat univocationem suo modo dictam, & cum Limitatione, Anima in Genere Substantiæ.

## CONCLUSIO III.

**Q**uælibet Species Animæ, intra suam latitudinem, plura corpora, inæqualis perfectionis, informat in Individuo.

### COROLLARIA.

- I. Dissonat rectè rationi, sententia eorum; qui tribus Animabus, realiter, & numero, aut specie distinctis, idem vivens animari admittunt.
- II. Nulla ratione, etiam de ordinaria potentia DEI, fieri potest; ut una eademq. Anima, unum corpus informans, in pluribus reperiatur viventibus seu subjectis, illa informando.
- III. Neq. etiam de Absoluta DEI potentia, fieri potest; ut una eademq. Anima, pluribus corporibus successivè infundatur.
- IV. Si de Absoluta DEI Potentia implicat, unam eandemq. Animam pluribus informandis corporibus, infundi successivè; multò magis, eandem immisceri subjectis, extra eandem speciem.
- V. Quid Anima Spiritualis, seu Intellectiva, multiplicetur ad multiplicationem corporum; id contra illius simplicitatem, nihil est.

CON-



## CONCLUSIO IV.

**A** Nimæ, præsertim Intellectivæ, inter se, sunt inæqualis perfectionis, in omnibus individuis, tam intrinsecè, quàm extrinsecè.

### COROLLARIA.

- I. Præter perfectionem specificam Animæ Intellectivæ, datur etiam Individualis substantialis perfectio.
- II. Non solum Intellectiva, sed sensitiva quoq; & vegetativa, proportionaliter intra suam speciem, habent inæqualitatem Individualem perfectionis, tam intrinsecam, quàm extrinsecam.
- III. Quod Anima Intellectiva unius Speciei, sint inæquales extrinsecè in perfectione; hoc solum illis provenit, ab inæquali corporum, quæ informant, dispositione.
- IV. Ista inæqualitas extrinseca perfectionis animarum, ab inæquali corporum, quæ informant, dispositione proveniens, dependet non ab alio; nisi ab Agente, inæqualiter disponente materiam, ad formam substantialem.
- V. Animæ, CHRISTI Domini, & B. M. Virginis, fuerunt tam intrinsecè, quàm extrinsecè perfectiores, omni Animâ humanâ.

Ad Majorem DEI Gloriam.



Permissu Magnifici Domini  
R E C T O R I S.

*Ex lib. 31.*



i-  
è.  
i-  
o.  
i-  
n-  
o-  
1-  
et  
n,  
m  
â.





